

玉解

乃柳

香薷



王楸藥解自敘

昔神農解藥黃帝傳醫仲景先生繼農黃立法聖作明
是焉備癸酉春仲旣解長沙藥性而仲景未用之藥甚
世本草數百千載狂生下士昧昧用之以壽兆民農黃
仲景云徂後之作者誰復知醫解藥諸家本草率皆孟浪之
談明時李時珍修綱目博引瀟工訛謬之論雜以小說稗官
仙經梵志荒唐無稽背馳聖明作述之義幾千里矣玉楸子
悲憶昔人愴念來者甲戌三月成傷寒說意五月成素靈微
蘊六月復作玉楸藥解八月癸丑告成此愚書之第八部也
蕭蕭古寺落落荒齋感歲月之已晚傷春秋之欲暮當伯王
知非之時值孔子學易之秋事與之判年與之齊慨世短而
心長念身微而愁劇雖然子長作史子雲草元固當牢騷於



創始之日亦必愉快於勒成之時者志勵丁年書竣蒼首十
仞作井一簣成山此亦煙嵐著書之士最爲破涕而笑
嗚呼有一代之功業有千秋之勳猷任兼將相望重國
沙漠之雄威馳丹青之良譽榮則榮矣無何而古墓爲
柏成薪豐碑已斷綠字無存傳觀故實不能攷其姓名遠
先典莫或搜其軼事念滄桑之變化歎陵谷之遷移其間宏
才遠略豐功偉烈生而光顯沒而泯滅者不知幾何三不朽
事業殊不在是與其收功臣之帶礪享良相之茅土不如永
日嘯歌逍遙於黃葉青山下也甲戌八月甲寅東萊都昌黃
元御撰



北京中医药大学图书馆版权所有

黃先生醫書八種後跋

黃氏醫書向止刻四種見常州張氏宛鄰叢書中近聞校刻燬餘四種無刻本道光戊戌閏在南昌從包慎伯年丈假得鈔本與陳廣夫三兄各僦人謄出同學中遂多有寫本矣頃客閩學使徐侍郎幕攜八種在篋談次及之侍郎於黃氏素有元賞又濟世壽民之念隨在漏溢不能自己盡付剞劂以廣流傳又念按臨各屬不能攜校同事黃學博元坤深於此事遂留之署中屬專校讎一再審定致爲不苟攷張刻四種卽有譌敝寫存之本舛牙益甚長沙二書黃氏移易舊第彌費尋繹學博旣詳覈之侍郎又精勘之雖掃葉拂塵昔人所歎然大體完善矣回思昔日傳鈔之勞一旦海內人得佳本玉楸之道昌靈蘭之術正侍郎之盛心不可及也

己江右楊希閔鐵傭謹跋

亥23

71

20282-97

黃氏醫書八種

亥23

71

20282-97



北京中医药大学图书馆版权所有

玉楸藥解總目

第一卷

草部

共百八種

第二卷

木部

共四十七種

第三卷

金石部

共三十六種

第四卷

果部 附穀菜部

共三十四種

第五卷

禽獸部

共二十一種

第六卷

鱗介魚蟲部

共三十三種

第七卷

人部

共四種

第八卷

雜類部

共十種



玉楸藥解目錄

卷一 草部

蒼朮

白朮已見長沙藥解此處互見

黃精

益智仁

草豆蔻

縮砂仁

補骨脂

肉豆蔻

胡蘆巴

白豆蔻

紅豆蔻

大茴香

香附

萆撥

藿香

香薷

萆澄茄

使君子

威靈仙

白附子

蔥菰

牽牛子

首烏

肉蓯蓉

鎖陽

丹參

澤蘭

益母草

劉寄奴

延胡索

胭脂

蘭茹

薑黃

地榆

三七

蒲黃

續斷

大薊

茜草

紫草



南京中医药大学图书馆版权所有

三棱

莪朮

鉤藤 鉤

蒼耳子

豨薟草

羌活

天麻

荊芥

秦艽

甘菊花

青箱子

穀精草

木賊

木鼈子

青蒿

青黛

龍膽草

大青

夏枯草

山慈菴

沙參

元參

茅根

蘆根

前胡

百部

白蘚皮

牛蒡子

山豆根

金銀花

馬兜鈴

紫蘇

白芨

鬱金 缺

南星

常山

葶麻子

石斛

浮萍

薄荷

藁本

白芷

貫仲

馬蘭

土茯苓

鎖心草

木通

篇蓄



海帶

昆布

地膚子

萆薢

旱蓮草

天雄

仙茅

仙靈脾

巴戟天

蒺藜

兔絲子

覆盆子

狗脊

猴薑

遠志

菖蒲

地丁

漏蘆

海金砂

千金子



南京中医药大学图书馆版权所有

玉楸藥解卷一

昌邑黃元御坤載著

長沙徐樹銘校

草部

蒼朮 味甘微辛入足太陰脾足陽明胃經燥土利水消痰行瘀鬱去滿化癖除癥理吞吐酸腐辟山川瘴癘起筋骨之痿軟同搜溺之混濁

白朮守而不走蒼朮走而不守故白朮善補蒼朮善行其消食納穀止嘔住泄亦同白朮而泄水開鬱則蒼朮獨長蓋木爲青龍因己土而變色金爲白虎緣戊土而化形白朮入胃其性靜專故長於守蒼朮入脾其性動蕩故長於行入胃則兼達辛金而降濁入脾則並走乙木而達鬱白朮之止渴生津者土燥而金清蒼朮之除酸而去腐者土



燥而木榮也。白朮偏入戊土，則納粟之功多。蒼朮偏入己土，則消穀之力旺。己土健，則清升而濁降。戊土健，則而清亦升。然自此而達彼者，兼及之力也。後彼而先此者，專効之能也。若是脾胃雙醫，則宜蒼朮、白朮並用。茅朮者，佳。製同白朮。新製雙朮法，列左：選於茅二朮，堅實肥鮮者，各一觔，別器泔浸，換水令潤透，去皮切片，曬用黃耆、沙參、生薑、半夏各八兩，煎濃汁浸白朮、大棗、龍眼、砂仁各八兩，煎濃汁浸蒼朮。各用磁盤，隔布鋪蓋溼米，砂鍋蒸透，曬乾，再浸，再蒸，汁盡而止。量加暖水，溫中之品，合煎，久既實，能延年却老。戊己轉運，水火交濟，一環一鉛，聚會之理，醫家不解，妄以滋陰之藥，促命夭年，甚可恨也。黃土炒白朮、芝麻炒蒼朮，無知妄作，不通之極。



黃精 味甘入足太陰脾足陽明胃經補脾胃之精潤心肺
之燥 黃精滋潤醱濃善補脾精不生胃氣未能益氣
可助溼上動胃逆濁氣充塞故多服頭痛溼旺者不宜
草輕身延年之論未可盡信也 砂鍋蒸曬用 鉤

野葛形似黃精殺人

益智仁 味辛氣溫入足太陰脾足陽明胃經和中調氣燥
溼溫寒遺精與淋濁俱療吐血與崩漏兼醫凡男子遺精
淋濁女子帶下崩漏皆水寒土溼肝脾鬱陷之故總之水
鬱亦生下熱而熱究不在脾胃庸工謂其相火之旺胡說
極矣其脾胃上逆則病吐血往往紫黑成碗終損性命益
智仁溫燥溼寒運行鬱結戊己旋轉金水升降故治諸證
然非泄水補火培土養中之藥未能獨奏奇功 去殼炒

研消食亦良

草豆蔻 味辛氣溫入足太陰脾足陽明胃經燥溼調中
行鬱濁善磨飲食能驅痰飲治胃口寒溼作痛療腹
敗成積泄穢吞酸俱效蠻烟瘴雨皆醫瘴瘧堪療霍
愈反胃噎膈之佳藥嘔吐泄利之良品化魚骨肉停留
赤白帶下 草豆蔻調和脾胃溫燥寒溼運行鬱濁推宕
陳宿亦與砂仁相仿而性氣頗烈內鬱稍重者宜之 麩
包糖煨研去皮

縮砂仁 味辛氣香入足太陰脾足陽明胃經和中調氣行
鬱消渴降胃陰而下食達脾陽而化穀嘔吐與泄利皆良
效嗽其痰飲俱妙善療噎膈能安胎妊調上焦之腐酸理
下氣之穢濁除咽喉口齒之熱化銅鐵骨刺之哽清升濁

降全賴中氣。中氣非旺則樞軸不轉。脾陷胃逆。凡瘧脹滿。痰飲欬嗽。噎膈泄利。霍亂轉筋。胎墜肛脫。穀宿水瀉。穢吞酸諸證。皆升降反常。清陷濁逆故也。泄之則益其虛。補之則愈增其滿。清之則滋其下寒。溫之則生其熱。緣其中氣堙鬱。清濁易位。水木下陷。不受宣泄。火金上逆。不受溫補也。惟以養中之味而加和中之品。調其滯氣。使之迴旋轉軸運動。則升降復職。清濁得位。然後於補中扶土之內。溫升其肝脾。清降其肺胃。無有憂矣。和中之品。莫妙如砂仁。沖和條達。不傷正氣。調理脾胃之上品也。去殼炒研湯沖服。則氣足。

補骨脂

味辛苦。氣溫。入足太陰脾。足少陰腎。手陽明大腸。

經。溫脾暖腎。消水化食。治膝冷腰疼。療腸滑腎泄。能安胎。



陰善止遺精收小兒遺溺與丈夫痿陽除陰囊之溼愈關
節之涼陽衰土溼之家中氣堙鬱升降失位火金上炎
木下陷夜而陰旺溼增心腎愈格子半陽生之際本
生不得上達溫氣下鬱遂與陽而夢泄此宜燥土泄

脾降胃交金木而濟水火道家媒合嬰兒姪婦重黃婆二

理幽妙醫工不解也補骨脂溫暖水土消化飲食升達

肝脾收斂滑泄遺精帶下溺多便滑諸證甚有功效方書

稱其延年益壽雖未必信然要亦佳善之品也鹽酒拌

潤炒研曬乾用同青鹽乳香搽日久牙痿

肉豆蔻味辛性溫氣香入足太陰脾足陽明胃經溫中燥土

消穀進食善止嘔吐最收泄利治寒溼腹痛療赤白痢疾

化痰水停留磨飲食陳宿肉豆蔻調和脾胃升降清濁



消納水穀分理便溺至爲妙品而氣香燥善行宿滯質性
斂澁專固大腸消食止泄此爲第一麪包煨研去油湯
肉蔻辛香頗動惡心服之欲嘔宜蜜小丸烘乾湯送
胡蘆巴 味苦辛氣溫入足陽明胃足少陰腎經泄溼驅寒
瘕消疝 胡蘆巴苦溫下行治水土溼寒腹脇滿脹寒疝
冷瘕囊墜腳腫之證

白豆蔻 味辛氣香入足陽明胃手太陰肺經降肺胃之衝
逆善止嘔吐開胸膈之鬱滿能下飲食噎膈可效痧瘧亦
良去睛上瞖障消腹中脹疼 白豆蔻清降肺胃最驅
上鬱濁極療惡心嘔噦嚼之辛涼清肅肺腑鬱煩應時開
爽秉秋金之氣古方謂其大熱甚不然也研細湯沖

紅豆蔻 味辛氣溫入足太陰脾足陽明胃經治脾胃溼寒

痛脹皆消療水穀停痰吐泄俱斷善止霍亂瘧痢能除反

胃噎膈云胸腹之酸穢散山川之瘴癘 紅豆蔻調

胃溫燥溼寒開通瘀塞宣導污濁亦與草豆蔻無異

量稍健內瘀極重者宜之上熱易作鼻衄牙痛之家

中下溼寒膽火不降當溫燥中下候上熱不作而用之

去殼研用 紅豆蔻卽良薑子與良薑性同

大茴香 味辛微溫入足陽明胃足少陰腎經降氣止嘔溫

胃下食暖腰膝消癥疝 茴香性溫下達治水土溼寒腰

痛腳氣固瘕寒疝之證

香附 味苦氣平入足太陰脾足厥陰肝經開鬱止痛治肝

家諸證但肝以風木之氣升達不遂則生風燥香附降伏

之性最不相宜香燥之氣亦正相反庸工香附諸方造作